

影印
文淵閣

四庫全書

影印

文淵閣四庫全書

第九七〇冊

北京出版集團公司
北京出版社

本冊目次

圖

書

編(三)

明 章 潢撰……………一

欽定四庫全書

子部
圖書編卷四十六

詳校官中書臣李彤
主事臣祁韻士覆勘

總校官進士臣朱鈴

校對官編修臣馬啓泰

謄錄監生臣許祖義

繪圖監生臣董椿

欽定四庫全書

圖書編卷四十四

遼東總敘

明 章潢 撰

遼東禹貢青冀二州之域舜分冀東北暨無間為幽

州即今廣寧以西之地青東北為營州即廣寧以東

之地即遼陽東至鴨綠江西至山海關一千四百六

三面瀕邊一面阻海特山海關一線之路可以內通

欽定四庫全書

圖書編
卷四十四

亦形勝之區也歷代以來地皆郡縣元季時為平章劉益高家奴分

據洪武初奉表來歸四年置定遼衛八年改為遼東

都司十年革所屬州縣設衛二十五永樂七年復設

安樂自我朝盡改置衛而獨於遼陽開元設安樂自

在二州以處內附諸部其外附者則朵顏福餘泰寧


等衛分地世官互市通貢事雖羈縻勢成藩蔽是以

疆場無迤北之患顧東北諸夷屋居耕食不專射獵

警備差緩而西北則俗仍迤北竊發頗多要在隨勢
安輯處置得宜先事申嚴防守不墮俾恩威並立足

制其心斯計之上也開元廣寧並據襟吭金復海蓋
頗稱沃野海上自劉江之捷倭寇絕跡如草馬市之
姦欺糾驗放之抑勒塞請開之貢路禁驛傳之騷繹
增臺軍之月給教百姓之儲蓄專制一方者不得不
任其責矣

遼東邊圖



欽定四庫全書

卷四十四



遼東鎮屬衛二十五所十一關二營堡一百馬步官軍九萬九千八百七十五員名馬九百零九匹子粒二十六萬一千四百六十七石歲運銀一十八萬五千二十四兩米一十二萬四千六十六石歲辦草二百四十萬五千二百一十一束豆七萬五千二百二十九石六斗

遼東處置

遼東三岔河一帶亘數百里北自遼陽舊城至南三

欽定四庫全書

圖書編
卷四十四

四

岔河關俱棄以與多延三衛住牧隔絕東西增費堡戍其地且多草木魚鮮之利宜自宋家堡直西添設營堡截守不亦快乎

遼東東杓子河西六州河相距一千五百七十五里南旅順海口北開原相距一千七十里而都司城處其東北稍偏是為東一大鎮廣寧處都司城至山海關之中是為西一大鎮金州為南鎮而旅順當其衝開原為北鎮而三萬鐵嶺瀋陽中接於南蒙州廣寧

中屯輔於右巡撫及兵備駐劄廣寧巡按分守駐劄遼陽遼東地皆沃壤舊為郡縣自置衛之後人多僑居生庶稍減今置自在安樂兩州以處徙徙要之未足以盡規議

遼東西

遼東青分營州遼西其分幽州

渤海之外一都會也西南起

山海歷醫無閭長白諸山經絡北東南走海上海薄

蓋金以西接盧龍可渡登萊泛吳淞

金州旅海運陸順口州梁房口

房口路蓋海舟入遼

魚鹽穀馬馬給吏士或市之保塞奚夷彼

欽定四庫全書

圖書編
卷四十四

五

遂挾以邀我我亦以官市縻之而奸闖出入亦不能盡禁寧遼東西兩屯頗安給錦義地瘠寡生理廣寧無屯營之利率仰給轉粟與遼陽隔河河兩濟防禦遼陽以北益聚兵兵食益窘開原三城中國三面受敵六堡雖復而出入于青陽鎮夷間者往往使我失魚樵之利又掠我男女易畜產於長城之外否即繫之耕織日夜無休時西馬市廢浦河市懿路殘破不可言撫順通百夷貢市內外皆山多伏莽我難於斥

望瀋陽雖有闕相其形勢外雖險而內實平不能
扼據以為東陞之保障西境並海四州恃得勝之捷
無海寇然遼水南駐海溢不能洩患苦沮洳矣

始河東十四衛皆自登州海運給之有海舟十餘隻
直抵遼陽鎮嶺以達開元城西老米灣然世久法行
至今遼陽之匱安得至此極也明聖造邦良有深意
乎

遼東保障

欽定四庫全書

國書編
卷四十四

六

楊文襄一清論遼東保障曰北隣朔漠而遼東三萬
瀋陽鐵嶺四衛之統于開原者足遏其衝南枕滄溟
而金復海蓋旅順諸軍聯屬海濱者足嚴守望東西
倚湯站長城為固而廣寧遼陽各屯重兵以鎮壓之
復以錦義寧遠前屯五衛西翼東寧增遼陽山東諸
堡以扼其要第遼之保障困于地之迂遠今三岔河
南北數百里遼陽舊城在馬木葉白雲之間即遼之
北京中京地也自守禦不得其人致東西限隔道

路迂遠制置有方則城堡士馬芻糧可省十之三四
遼東海道

遼東古青州之域自周以下遼東屬燕青州屬齊疆
域雖分海道無異至於漢伐朝鮮遣楊僕從齊泛渤
海荀彘出遼東即隋唐東征亦分師航海豈非循習
其舊哉國初置遼東即發兵數萬戍遼命鎮海侯吳
禎總舟師萬人由登萊轉運歲以為常至永樂四年
平江伯陳瑄督至遼其後設有屯田糧運始廢止

欽定四庫全書

國書編
卷四十四

七


今山東歲運布花以給軍士皆由登州發運至金州
旅順止卸當時倭寇偶犯而總兵劉江遂有望海窩
之捷其患亦絕歲運至弘治十八年船壞暫止山東
乃征以輕費灌輸歲豐充用不暇講求嘉靖七年巡
按王重賢先為即墨知縣言有司苦于布花折色乃
請通海道復舊制金州劉訓導明言家世登州自海
運不通生理蕭條然則在山東亦自有利害矣三十
七年遼東荒歉乃欲求通先是邊備劉九容查議曰

海運之廢已非一年若以打造船隻裝運布花為名則價值苦征求之難造作糜人工之費萬無可通之時為今之計暫疏海禁隨民間有力者各置船隻從先年故道自相貿易登金兩岸設法稽查其歲運布花仍從原議征收折色照舊從闕起解巡按周斯盛奏曰國家建置之初以之隸山東者止以海道耳自旅順口以望登萊可即泛舟而往一日可至以山東之人適山東之地通舟楫自有之道因天地自然之

利更何所顧忌也哉巡撫侯汝諒奏請一開天津海道一通山東糴買與總督王忬料道先後所言同山東當事者雖多設事變而戶部猶執前議舟通數月逮前巡按路可由設言島人一聞調船必棄業哨聚急請停止部遂據以却諸議而不虞其為越吟也夫遼東既以山海為關亦宜以海防為津先年通運之時寧無稽查之法且倭國與閩浙相對去遼本遠先固未嘗以望海一啗而遂推簞於後也十七年巡撫

孫檜差都指揮閔忠齋咨赴催然為馮驩責債得致無幾近積欠至七十餘萬即是則海禁之意不在所言之害而恐通後吾執左券以責備耳矣其運船本南京龍江關成造正德初以湖廣災傷暫議停止今並編列金州旅順口達登州水關岸水程海島於左方使得料遠近考廢興備成法焉右金州旅順關口南達登州新河水關岸徑五百五十里水程適中海島名曰羊塢有碣上鵠南岸達北岸共五百五十里

兩日內風力順可到先一日辰時自登州新河發帆至晚抵旅順泊岸次日辰時自旅順發帆至晚抵三汊河泊岸蓋自旅順口起抵海中羊塢黃城二島約三百里自黃城南抵欽島鼉磯島約三十里欽鼉島抵井島約七十里井島抵沙門等島一百三十里沙門島抵新河水關僅二十里總括其數亦五百五十里各島相接如驛遞而島之住戶俱屬納水利銀兩於金州



遼鎮保守要務

余歷北平幾十年，薊遼二鎮邊事備稔之矣。守薊鎮易，守遼鎮難。何者？薊鎮將庸而兵弱，所恃者山險火藥耳。邊牆雖未高堅，尚可修也。火藥雖未全備，尚可補也。以歲計之，暮月而可三年有成矣。若夫遼鎮軍雖猛而寡，馬雖壯而少。自山海抵寧前，三百餘里，邊牆未築，藩垣無恃。火藥未備，克敵無策。雖有猛士，不足以當如雲之衆。雖有利矢，不足以敵如雨之鏃。一

欽定四庫全書

卷四十四

土

遇有警聽，其擄掠百里一空，不得不歸耳。吁，嗟惜哉！不汲汲為之備，邊患何日而止乎？其要莫如先築邊牆，備火藥。目今遼東欲覓人修築，無銀欲令軍士助工，無人將奈之何哉？為燃眉之計，先將邊界一路每年令軍士居民鑿深溝一道，濶三丈餘，即以其土敷我溝裏，築為堤岸，如長嶺然，待伏雨實堅，上築高牆一丈，基濶五尺，平身去處留以牆孔，以便快鎗砲打。每二里或三里嶺上，仍建燉臺一處，周以垛口，蓋以

敵樓草創之時土牆草屋以蔽風雨可也其牆則一里一鋪置以火藥快鎗每敵臺一座多備火藥火砲并砲架數十來攻則以快鎗擊之填壕則以火砲拒之彼不能近吾壕安能填吾溝耶既不能填吾溝安能踰吾牆耶此目前之急務也備此著三年可完若夫築土牆創土城須得一半官銀一半助六年而後可至於修磚牆建城池九年而後成遼鎮之事大率九年完固矣誠如此雖有十萬之衆莫敢犯也可保

百年無事矣至若寧前一帶數百里居民鮮少地土荒涼又奈之何哉蓋人之所以不居遼地者以地當兵衝而度日至苦也誠將荒廢之地盡數查出除遼人耕種外先儘充發之軍每軍一名多則給以百畝少則五七十畝許其耕種不許變賣一切錢糧永為蠲免有關西情願應役者投充一名亦照此例給種每一二里或十餘里令築小墩城垣一處以備外患則貧窮之家無故而得百畝之地既不費財又不徵

賦彼將視為樂土攜其父母妻子而願歸之矣軍之逃者能幾何哉十年之間民聚日衆生齒日繁外無邊患內無重擾遼鎮之民可以息肩而享太平之樂矣遼鎮既全薊鎮可保京畿有泰山之安矣不然唇亡齒寒之勢不可不寒心也

遼東區畫

嘗玩分野圖象知郡國之屬於天也各有宿度界限之殊因知古聖帝之分州也各因其分野而聯屬之

道寓焉何也遼東西在十二國屬燕在九州屬冀與青在分野今廣寧以西屬箕度廣寧以東屬尾度自虞舜分天下為十二州東遼為營西遼為幽然山東與遼中跨東海形勢懸絕舜時營與青其相統屬否不可知也青州則在今山東青登萊三郡然遼之東亦分屬於青是其中雖隔乎大海而疆域界限既均之為青州焉則其貢賦之轉輸官屬之朝聘其往來通道舍海安之乎可見古人聯東海之兩隅為一州

以海為通衢無疑也自遼入我朝除北自遼陽舊城南抵三岔河關葉與諾延三衛無論已然東西相距千五百餘里南北相距千七百餘里雖三面臨邊一面距海據其形勝而安輯之有道亦足為東北之保障也國初河東十四衛皆自登州海運給之海州直抵遼陽鎮嶺以達開元城西老米灣故遼兵頗忠勇亦以饋餉充實故也自海運革而遼之兵食多匱乏矣雖東北土產多屋居火食較之正北遼其勢稍易

制然殷鑒不遠遼也金也元也皆起跡東北實有不可忽者且我朝建都燕地不徒宣大與邊為鄰患在肘腋而諾延三衛反在遼之內地所恃薊鎮耳山海關一線之路萬一中阻則咽喉既塞彼遼陽一鎮不特不足為京師之障而束手無拯援之策矣嘗閱輿地圖金蓋一帶西接盧龍本可以渡登萊泛吳淞昔日之運道乃今日之急務也較利害者又以風波之險海寇之防為可虞獨不思哲士長慮却顧為國家

計安久遠雖有小害當勿恤矣縱使海運未可遽復而沿海擇要害之區許通市舶使商旅貨販由海往來則魚鹽穀粟一通而一鎮軍民財用自足設有緩急亦可恃以無恐得非富强之一策乎聞成祖皇帝欲建總鎮于開元而經營未及就緒正今日所當講求焉雖勢所最難未免以餽餉為憂然欲建訂謨遠猷則不惜小費近利況通海舶復海運使遼鎮食足兵強吾知三衛雖強腹背受制必不敢自生異心而

京師永奠磐石之固殆有不戰屈人兵者在也非徒熟海道可以援遼陽習海運可以餉各鎮實京師矣是故遐想往古山東遼東合為一州先王計慮何深遠也故國初由登萊以餽遼陽我聖祖之睿算不有以紹往聖聯屬之道乎忠臣謀國者其深圖之

山海關說

山海禹貢冀州之域書曰夾右碣石此其方也國朝洪武創建城池關隘命名曰山海關永樂中建都燕

京列為畿輔相厥山川山自居庸而東其勢漸南海
自直沽而東其勢漸北至我臨渝山麓海濱不盈一
視扼而塞之其為力甚易其功甚鉅也諾延散處舊
大寧地乃山海諸邊之北也自居庸抵山海依山阻
險設關寨墩煌營壘數十百所過厥出沒可謂盡羈
縻之術極備禦之策矣近者閉關戒嚴邊氓日遭兵
燹石塘之役至厘王師者何哉法獎之繇也今觀沿
邊險隘可以列騎聯伍而下者亡幾餘皆捫藤穿竇

潛形詭跡馬耳司關計者苟嚴翼共服飭厥烽燧入
必知知必并力據險遏之營遇警必報報至即率所
部為聲援犄角之勢彼雖黠悍亦何能為乃今不然
官惟贖貨是務軍士買閒落鄉供役使者過半墩煌
曠瞭卒行伍乏壯捷伺間而乘之亡所誰何及被掠
官懼加罪譴輒贖之牛酒鹽布賄失者家以鉗其口
每致縛所掠男婦勒諸城下以為恒或度不可秘遂
誘而掩捕之以捷聞冀獲免也間所掠非所捕所捕

非所掠而邊鄙日結矣夫啖之利者以啟其無厭之
心挑之怨者以速其必逞之勢是何異自決其堤又
從搏擊之水不溢且洪乎為今日計在於懲誅求放
免之弊實行伍以自固禁私交掩捕以塞末流則庶
乎其可也

遼西區畫

古遼西郡即舊設大寧都司內轄錦州全寧及大寧
和衆富庶金源惠和武平龍山等縣是也契丹號為

中原是故大同在西燕在南遼陽在東大寧則在其
中其東南四十里為松林松林水出是為廣河大山
深谷幅頓千里岡嶺崇隆迤逶亘京師之西山內有
長泊周圍二百里大鹽泊周圍三百里小鹽泊周圍
百里山高而長水濶而聚且其地東傍福餘若招漳
潮吳浙水商遠通日本新羅則自新羅可以通沃沮
由日本可以通濊貊濊貊古為渤海東京龍源府沃
沮古為渤海南京南海府既通二府則漳潮水商或

經唐恩浦口或經藏貊沃沮直抵扶餘而西入大寧
矣契丹曾置通吳軍其道由此我太祖平定前元于
古會州之地設大寧都司及所屬營州等衛以為外
藩籬復命魏國公修山海關喜峯口古北口黃花鎮
潮河川一帶以為內藩籬永樂中搬回大寧以其地
委諾延三衛而內藩籬為界大寧既棄則開元興
和不容不失宣德中移守獨石龍門勢固然也土木
之變獨石八城俱陷所恃者一長安嶺橫阻其衝耳

欽定四庫全書

國書編
卷四十四

大

今計其歸復之界大軍出喜峯直擣錦川全寧而夾
以開平中屯興州右屯及松亭永寧之師遼海出偏
師以綴福餘繼以義州廣寧之衆步騎出於牛山舟
師進於小陵此其成計不可易者然非十年生聚十
年教訓未易言矣

薊州總敘

薊京師左輔也

拱衛京師密邇陵寢比之他邊尤重
三屯營居中為本邊重鎮東至山海

關三百五十里西至
黃花鎮四百五十里

我太祖既承元統迺即古會州

之地設大寧都司營州等衛而封寧王與遼東宣府東
西並列以為外邊又命魏國公徐達起古北口至山海
關增修關隘以為內邊神謀遠哉遠矣太宗文皇帝靖
難後烏梁海部落內附迺改封寧王於江西徙大寧都
司於保定散置營州等衛於順天之境而以太寧全地
與之授官置衛

今止守內邊邊人謂外邊山勢連亘千
里山外撤江環遠誠自然之險也北都

不敢內侵山衛者以此今
棄此而守內邊失地險矣令其每年朝貢二次每次衛

欽定四庫全書

國書編
卷四十四

九

也遼東宣府自此隔涉聲援絕矣正統以前敵心畏服
地方寧謐但令都指揮或都督於喜峯口密雲等處鎮
守驗放別無多官土木之變頗聞三衛為顧森嚮道乃
命都御史鄒來學經略之此後因而添設太監叅將等
官而敵情亦變詐不同然尚未敢顯言為寇也弘治中
守臣楊友張瓊因燒荒掩殺無辜邊釁遂起正德以來
部落既蕃諾延獨盛陽順陰逆累肆侵噬和坦則脅求
添貢巴爾斯深入虜掠動稱結親迨北恐嚇中國叅將

陳乾魏祥俱以重兵前後陷沒他可知矣故三衛夷情難與往日例論禍機所伏不待知者而知

黃花擁護陵寢京師後門今本兵逃亡止餘二百河間等衛之戍空名無實此其單弱極矣議者為更當增戍而關外閒田可募為兵此亦一策也古北口潮河川俱稱要害而潮河川殘元避暑故道尤為兵衝作橋則浮沙難立為壑則漲水易淤都御史洪鍾雖設有關城勢孤難守今雖塞川大建石墩四十令其錯綜宛轉不礙水路庶幾可以

欽定四庫全書

國書編
卷四十四

三

久乎喜峯口三衛入貢之路撫賞諸費久累軍丁近取諸馬場子粒似矣建昌營自裁革內臣之後以其兵多於燕河營乃復添設遊擊甚為差謬夫遊擊之名謂居中乘便四面馳擊也今偏在東隅其謂之何矧東去燕河營參將止五十里西至太平寨參將止六十里不為贅員且掣肘乎愚嘗謂薊鎮在今當重其事權總兵須與掛印同巡撫駐薊其遊擊駐三屯營若燕河馬蘭密雲三參將則仍舊而以太平寨併入建昌為一參將則庶乎體統

正而緩急有濟矣且設關於外所以防守立營于內所

以應援

國初東至山海關西至黃花鎮為關寨者二百一十二為營堡者四十四為衛二十二為守禦

所三設分守參將五于燕河營太平寨馬林谷密雲縣黃花鎮以管攝營堡謂之關設守備都指揮五于永平山海關化薊州山河以管攝衛所謂之營設總兵官一員于三屯營以總鎮馬后惟關獨當其害營但肆為官望而已嘉靖十八年巡撫都御史今關營提調既分為戴金題准復而舊制更相防守

二則關獨當其害營但肆為觀望耳假令營之提調即司所直之關責有攸歸復將誰諉又本鎮額兵原少隘口甚多除分戍之外消耗之餘所在單弱言之寒心是

欽定四庫全書

國書編
卷四十四

三

故存留京操之士益募土著之兵設險修關嚴烽遠謀選將練兵足食明法曲突徙薪之計不可一日不講也

薊鎮建置

欽差總督薊遼都御史一

駐薊州

欽差巡撫順天等處都御史一

駐遵化

巡按山海關御史一

今順天巡按燕

兵部主事一

駐山海關

兵備密雲副使一

駐薊州

總兵官一

駐密雲

參將五 遊擊將軍一

欽定四庫全書



圖書編 卷四十四

13-10



